

中國方志叢書·華南地方·第一八〇號

據


民國·陳及時等纂修
民國十五年刊本

影印

廣東省

始興縣志

(一)



5424/02

成文出版社有限公司印行



10096487

K29
14819
18001

中國方志叢書·華南地方·第一八〇號

據


民國·陳及時等纂修
民國十五年刊本

影印

廣東省


始興縣志

(二)



5424/02

成文出版社有限公司印行



中國方志叢書·華南地方·第一八〇號

據


民國·陳及時等纂修
民國十五年刊本

影印

廣東省

始興縣志

(三)



成文出版社有限公司印行



10096489

中華民國十五年丙寅冬月

始興縣志

南雄華園印務局承印

始興縣志

民國十五年冬

譚延闓



始興縣志卷之首

序

邑之有乘猶國之有史也雖記述之事僅
限於一壺一邑較之史書記載其範圍廣
狹有別然其所以蒐羅故實傳之奕禩使
後人攷文獻得所憑徵則一也民國十二
年癸亥夏曆秌七月典奉命來宰是邦每
於公暇時索觀邑志藉資考鑑始悉縣志
於前清嘉慶己卯年經前邑侯胡公勳裕
續修至道光壬辰年書成出版後迄今已

近百載迭經事變屢失編纂不惟其間往
哲遺行漸失考據且因版片無存卷帙散
失現存刊本亦屬寥寥宣統三年邑紳何
君萬搏等倡議續修甫設局採訪卽以改
革軍興中輟民國六年至十一年復經兩
次設局續修俱以軍事迭興事功擱置嗟
乎褒崇節孝獎勵忠貞以及傳流歷來注
迹並對於地方之種種攷察須於邑乘是
賴縣志之關係重要如此令其久未修成
使歷來事實之經過湮沒無聞後之人將

何以信而君徵耶是邑志之失修豈惟士
林之恥抑亦守土者之責也爰邀集邑紳
中學校長饒君振瀾前清貢生靈君章甫
勸學所長陳君美灝勸學員劉君詩海陳
君力保衛團總局長鄧君序錫等多方籌
議設事續修均賦軍事未平事難就緒且
兵興之後籌款維艱爲詞迨事稍定地方
亦喘息少寧並得籌集微資典亦蒞捐廉
俸贊助邑紳前清貢生何君慶齡亦時賦
邑志失修湮沒往事爲憾請爲設法扶持

復得饒君振淵力任其事擔承經理範務
科長杜君耀廷在中維持聘請陳君及時
為總編輯遂於甲子年夏歷四月起始修
理其時典調任曲江已五閱月屢得饒君
振淵書囑為序言付之簡端序後來考之
知續修縣志歷經幾次之波折始得幸底
於成典以義不容辭因不揣譾陋畧述事
之顛末以爲之序云

中華民國十三年九月

前任始興縣長現署曲江縣長黃南軒謹撰

序

國有史縣有志於國事縣事靡
不記載其詳故欲知一國已任
之治亂興衰欲知一縣已任之
安危得失觀史觀志即可得其
梗概焉史與志之關係如此其
重弗論何國何縣安可無史與
志耶琳祖籍韶始興此次隨軍
來粵奉命長始邑公暇瀏覽縣
志殘闕滋多雖肩若無足不可

不增修以臻完備也幸秉筆諸
君搜羅掌故葺而新之舉凡幅
幅山川人物俗尚物產以及
時人事悉皆具備使後之欲知
始興已往之安危得失者有所
考鏡焉是為序

峇

中華民國十三年秋月

始興縣長曾琳撰



序

志史之支流也。邑志紀一邑之沿革、封建、輿地、山川、職官、選舉、建置、經政以及宦蹟、人物、藝文、金石、古蹟，蓋一邑之史也。今之邑地方百里，可比古諸侯。古者列國皆有史官，今之邑則否。所恃以紀載者，非志其末由已。然志之修或數十年，或百餘年，筆際承平，冊籍可資，攷證若屢更世，變卷牘散佚，則所得者孰故老傳聞、私家記載，寧敢謂其詳且實耶？雖然，秉筆者能本公正祛虛浮，則所載不必盡詳而亦庶乎其實焉。斯則作志之六要也。始興邑志修自道光壬辰迄今幾近百年，中經兵事，不一次元成凋謝，檔案損燬，文獻之不足徵，莫此為甚。而編輯採訪諸

君猶能洞羅軼事撫拾舊聞以纂輯成書寧非幸事余於乙丑秋蒞任斯土邑志適於是冬脫稿取閱之體例雖更舊志而悉本阮儀徵廣東通志之例而稍參以南雄州志舊事既囊括無遺而新增事蹟亦少虛浮而有裨實用訂體例嚴筆削總編輯陳君及時之力也精擘畫綜庶務總理饒君振濶之力也分事比類刪繁就簡編輯諸君之勤也有聞必紀寧關安濫採訪諸君之慎也書既成以刊印費絀遷延數月不克出版余為勉捐薪俸並設法籌措俾底於成付印之日為叙其概畧如此是為序

中華民國十五年夏月

始興縣長湘鄉譚柄鑑撰



序

清宣統三年邑人以修志事請於陳邑令賡虞得報可乃開局旋以改革軍興事遂中輟民國六年毛知事丕恩重令開局未數月復以兵事中輟民國十一年官縣長政議復令開局不兩月又以兵事中輟宣統三年之開局也倡其事者為何君萬博李君曄其經費則陳君勝材葉君正芬曾君能誨劉君懷仁捐貲助之民國六年之開局也與其事者及時與何君萬博李君曄曾君學宗官君政燮蕭君元宗其經費則毛知事丕恩周知事方楸各捐廉一百元而邑人魏君芳藻亦捐貲助之氏四十一年之開局也與其事者及時與曾君學宗官君政燮何君賡

齡李君賢偉陳君模陳君美椿其經費則取諸太平壇關帝廟
坪枱租開局三次採訪事蹟尚未及三之一卒以兵事廢於丰
途十三年趙縣長傳典復議開局以茲事之屢復屢輟也一因
時局影響二受經費牽制廼捐廉撥款籌集常費重行組織局
務設總副經理以掌財政增編輯至十三人而以及時歷次皆
與斯役以總編輯相屬自慚謏陋何足以膺重任但迴憶同事
諸人至十一年開局而何君萬椿李君堉已相繼物故至十三
年開局而曾君學宗陳君美椿又已相繼物故歲月遷移老成
凋謝事變日亟後顧茫茫不得已勉從事猶幸採訪編輯諸
君公明勤慎搜故籍訪舊聞得以擴拾成書脫稿後預計刊印

費尚差千金復得譚縣長柄鑑捐廉三百元並設法籌措於十五年夏始獲出版計自宣統三年倡修迄於出版之日閱時十有六載其難如此爰述其經過情形弁諸簡端至此書大旨則有凡例在

中華民國十五年夏月

邑人陳及時謹撰



